

Bøner for FNs bærekraftsmål v/ Hildegunn Marie Tønnessen Seip

Frå Bærekraftsboka, nynorsk målform (april 2019).

Mål 1: Utrydde fattigdom

Gud, du kjelde til alt som er godt,
Lær oss å dele så ingen må mangle
og invitere inn så ingen må stå utanfor.
Vis oss på ny at vi alle er dine elska skapningar og born.

Kan leggest til alle bønnene som avslutning: Alt og alle i dine hender, Gud. Amen.

Mål 2: Utrydde svolt

Jesus Kristus, du livets brød,
bryt uretten i sund.
Jorda er di.
Lær oss å dyrke den med visdom og varsemnd.
Gje oss vilje til å dele vårt daglege brød.

Mål 3: God helse

Gode Heilage ande, du livspust i kroppen vår,
vi ber for alle som lever med smerte
og kjemper mot dødskreftene.
Lær oss å dele håp, trøyst og helsehjelp.
Takk for alt som styrker liv og helse.

Mål 5: Likestilling mellom kjønna

Gud, du som har skapt oss til menneskeborn,
til mann og kvinne og sysken –
du ber oss i ditt morshjarte
og er far til alt som kallast born.
La oss vandre saman i fridom og vyrdnad.

Mål 10: Mindre ulikskap

Jesus Kristus, du som ikkje gjer skilnad på folk,
gjer oss meir lik deg.
Gje oss visdom og vilje til å dele
og gje oss mot til å ta imot kvarandre
på tvers av det som skil oss.

Mål 16: Fred og rettfærd

Fredens Gud,
vi ber om at alle som er utsett for vald og overgrep
må reisast opp og finna fred.
Bevar våre hjarte
og styrk institusjonar som arbeider for rett og rettfærd.
Lei våre føter inn på fredsvegen.

